

Eur ganouenn vrezonég euz an XVIII^{ved} kantved.

Modernnaet eo bet an doare-skriva.

Ar ganaouenn-ze a zo diwar-benn an emgann etre Kornig ha tri lestr saoz d'an 24 a viz Even 1758.

Adskrivet eo bet gand eur studier, Pierre Le Roux e ano, ha bet embannet er Revue Celtique, XIX.

Selaouit kana, me ho ped,
Eur zon nevez a zo kompozet
Loñ la la
Eur zon nevez 'zo kompozet.

Eur zon nevez 'zo kompozet,
Noz gouel Sant Yann eo arruet.

Da unneg eur diouz an noz
Eh arruas Kornig¹ gand ar Zaoz.

Pemp eur hanter asuret
Ar gompat² gantañ 'zo padet.

Pa edo o tond diouz ar meaz³
Eh arruas gantañ eul lestr braz.

Hag a houlenñ digand Kornig
Euz a beleh oe e lestrig.

Kornig a respontas dezañ
Euz a Vrest e teu ar lestr-mañ.

Ar Zaoz 'roas eur volead⁴ deza'.
Kornig n'en-doa preparet⁵ netra.

Neuze souden e preparas
Diou volead d'ar Saoz a roas.

Neuze e troas dioutañ.
Erruoud eur fregadenn⁶ gantañ.

Ar Saoz roas eur volead deza'
Kornig a roas ar memez tra.

Neuze e troas dioutañ.
Arruoud eur chaloup⁷ gantañ.

¹ Kornig (Cornic – Montroulez 1731 – 1809). E-pad brezel "Sei vloaz" e stourmas a-eneb ar Zaozon.

² gompat : ger galleg : emgann.

³ meaz mêz. Leoneg, evid ar rim.

⁴ volead : galleg "volée".

⁵ preparet : galleg, darbarec.

⁶ fregadenn : galleg "frégate"

⁷ chaloup : galleg : chaloupe.

Arruoud eur chaloup bihan gantañ.
Hennez a dehas dioutañ.

Neuze e teuas da gaoud an aot
Da gichenn mên gwenn ar “Gondichog“

E teuas ar Zaozon di o-zri
Da gaoud Kornig da gombati.

Neuze en-doe eur volead digand ar lestr braz
Dreist ar pavillon⁸ e roas.

Ar Zaozon o krial “Hourra“
Ema ar Frañsez⁹ oh amena¹⁰.

Kornig neuze pa glevas
An tan partoud, a lavaras :

An tan partoud a lavaras,
Neuze e hiñsas¹¹ ar pavillon braz.

Neuze e kemeras e “porte voix“
Ha lavared d’ar Zaoz a lare “hourra“.

Hag eñ mond da respont deze
N’e’ ket d’o hened eh amenje.

An neb ma amenje dezañ
On-devezo ar viktor da gentañ.

Entre ‘pado daou zen beo ennañ,
Me rento kombati anezañ.

Antronoz, pa sklêrras an deiz
En-doe ar paour-kêz Kornig en o hreiz,

En-doe eur volead digand al lestr braz,
Ha neuze e troas d’ar meaz.

Diouz ar mintin, da bemp eur
Edo e-kichenn ar “Melemer¹²“.

Eun denig koz, a oa en lestr
Da Gornig a lavaras prest :

⁸ pavillon : galleg : banniel.

⁹ Frañsez : Frañsizien.

¹⁰ amena : galleg. “emmener“.

¹¹ hiñsas : galleg : savas.

¹² Melemer : ano eur roh e-kichenn Moalenez.

« Va habiten, n'ho-pet soursi,
Emaom dindan ar vateuri¹³. »

Ha Kornig neuze pa zellas,
Bagou Moleniz a welas.

Deom-ni, va ekipaj, da baouez.
Me a wel bagou Mol-enez.

Ahano e teuas a-fil da fil¹⁴
Da baouez da gichenn arruas.

Moleniz, pa arrujont,
`Digand Kornig e houlennjont

Ha kalz a oa lazet.
Kornig a respont ne oar ket.

Kriz e vije ar galon na ouelje,
Er felisite¹⁵ neb a vije.

O ! gwelit goloet ar pont a wad
Ken e chome ennañ roud an troad.

Kornig 'zo eun den vaillant¹⁶
En-deus kombattet enuislamant¹⁷.

En-deus bet dalhed kombatt
Ouz tri lestr saoz ha paotred vad.

Evid achui ar chañson¹⁸
Grit ma gourhemennou d'ho person.

Mar fell deoh gouzoud ha klevet
Gand piou ar chañson kompozet.

Ne fell ket din o eñvel frank
Abalamour 'maint plahed yaouank.

¹³ vateuri : galleg : batterie/

¹⁴ a-fil da fil : galleg : de fil en fil.

¹⁵ felisite : galleg : félicité.

¹⁶ vaillant : galleg. Kadarn.

¹⁷ enuislamant : ?

¹⁸ chañson : galleg : ar ganaouenn.